



Ioannes patre comite à Vuerdenberg, et matre comitissa Vuirtenbergenſi natus fuit. Is cum eruditione & pietate inſigni præditus eſſet, Anno 1467 Episcopus Auguſtanus electus fuit. Eam dignitatem adeptus in primis cum ciuibus eius loci, quos hæcenus antecellores exagitarãt, pacem confecit, deinde omnia in Eccleſiæ ordine conſtituit. Cum etiã habitatõẽ extra urbem aliquã exoptarent, arcem pulcherrimam in Dillingen ædificauit. Erat Ioannes ob morum caſtitaem & rerum prudentiã Friderico Cæſari gratiſſimus. Itaq; ei filium ſuum Maximilianum educandum tradidit. Hunc Ioannes diu apud ſe retinuit, atq; ſuo e-

xemplo ipſum & alios ad uirtutes pellexit. Cum hoc modo per ſeptendecim annos piẽ præfulſſet, tandem Maximilianum cum alijs principibus Franckofurtum comitatus eſt, ut ibidem anno 1486, atq; ætatis eius uiceſimo in Romanorum regem eligeretur. Ibi cum exiſteret obiit, atq; magno omnium luctu ſepultus fuit. Eius ſepulchro hi uerſus inſcripti fuerunt:

Ex Vuerdenberga comitum de gente Iohannes
Præfulis Auguſtæ hoc ſunt ſita membra ſolo.